



 B C 3

14187

III Mag. St. Dr. P

Palatinus Tomeraniensis

*Niesportensis Ambrosii: Sacra fides ac
 sanctissimas Donhoffianas domus - videretur*

PANEG. et VITAE
 Polon. Fol.
 № 229.



SACRA

ILLVSTRISSIMÆ ac INCLYTISSIMÆ
DONHOFFIANÆ

DOMVS.

RELIGIONI, FORTITVDINI,
VICTORIÆ, GLORIÆ.

EX APROGENTILITIO

VICTIMA.

IN

Illustissimo, & Excellentissimo Domino

D. VLADISLAO
DONHOFF,

PALATINO POMERANIÆ,

Post Vienenfes Victorias in Austria, ad Cannas

Strigonienses in Pannonia

Contra Tyrannos Orientis

Heroa Fortitudine, vsq; ad supremum Sanguinis,

Vitæq; Libamen Pugnante;

Dum illi Anno 1684. Die 6. Martij,

In Clari Montis Czeszochouiensis Basilica, Fratrum Ordinis

S. PAULI Primi Eremitæ,

Funebris Honor persolueretur,

Ibidemq; in Augusto Donhoffianæ Domus Sacello illi-

us corporis Exuviae condirentur,

EXHIBITA.

Superiorum Permissu,

Per Fratrem AMBROSIVM NIESZPORKOWITZ Ordinis

S. Pauli Primi Eremitæ Professum.

CRACOVIAE.

Ex Officina FRANCISCI CEZARY, S. R. M. Illustris. ac Rndis. Dñi. Epi-
scopi Crac. Ducis Seueriæ, Nechon Schol. Nouodvorsc. Typogr.

STEMMA;
ILLUSTRISSIMÆ
DONHOFFIÆ DOMVS.



Aucto mox Imperio, propagatisque finibus, quin-
que signa ex ærario depromi, & militum acies,
ac legiones præire assuérant. Hæc fuerunt:
Aquilæ, Lupi, Minotauri, Equi, & APRI si-
mulacra, quibus præeuntibus legiones educere,
& ferro decernere mos erat: inter quæ APRI
effigiem qui tum tenuisse locum accepimus. *Ale-*
xander ab Alexandro Genialium Dierum Lib. 4. cap. 2.

Illustrissimo, ac Reuerendissimo Domino,
D. GEORGIO ALBRACHTO
DONHOFF,

Abbati Vitouienſi, Canonico Cracouienſi,
Præpoſito Petricouienſi,

Domino, ac Patrono Colendiſſimo.

Vitam, & Felicitatem.



D Te ſacratioris Eloquentiæ Periclem hoc rudioris
calami, dicatum Honori Illuſtriſſimæ Domûs Tuæ
fero obſequium, Illuſtriſſime, ac Reuerendiſſi-
ne Domine. Tenuitate ſua repulſam mereri poſſet, niſi illi
graviſſimum pondus, & momentum adderent ingentia Illuſtris-
ſimæ Domûs Decora, quæ in hoc paginæ pallentis campo, & in
ſepiæ umbris illuſtriſſima, gloriæ meridiem explicando, liuore
æcutientes inuidiæ oculos perſtringunt & Illuſtriſſimorum He-
redum cunas, per tot ætatum proſectus in ſplendoribus Regum
Principum, ac Illuſtriſſimarum cognationis vinculis colligatarum
Familiarum fundatas demonſtrant. Nouerit hinc Orbis
Donhoffios quâ ſint ab origine nati, qui licet in auge gloriæ
conſtituti, nondum tamen Heroicis Virtutibus, trophæisque
eandem propagare deſinunt. Hoc patet non tantum Orbi Sarmatico,
ſed vniuerſo in Illuſtriſſimo & Excellentiſſimo Domino **V L A-**
DISLAO DONHOFF Palatino Pomeraniæ, qui ſe-
uerus emptor gloriæ, vitam dedit. Amaſti Virtutes eius He-
roicas dum viueret, nequæ hic inſinuatæ reprobabis, ubi quamuis
impari percenſeantur Panegyri, adhuc eſſe Tibi dilecta non de-
ſinunt. Hinc addidiſti ingentes curas ad ſolemne illius funeris
Honorem, in cuius auguſta pompa cum tot Illuſtriſſimos ex v-

traquè Republica Comites habeas, nec meum in hoc obsequio
studium improbasti. Exigebant hoc merita Illustrissimæ Do-
mūs Tuæ erga meum Ordinem, Montemquè Clarum, & meus
in Illustrissimæ, ac Reuerendissimæ Dominationis Vestræ Ho-
norem animus propensior, quem ad Tuæ Virtutis cultum bene-
uolentiâ deuinxisti. Faue ergo pronioribus meis in Tuam Ve-
nerationem conatibus, & hoc obsequium suscipe, in cuius patro-
cinio, & acceptatione Superum imitaberis naturam, quæ à mi-
nimis quoquè coli non dedignatur. Hoc exoro

Illustrissimæ, ac Reuerendissimæ
Dominationi Tuæ,

Honoris Studiosissimus,

Frater AMBROSIVS NIESZPORKOWITZ,
Ord. S. Pauli Primi Eremitæ Professus.



SACRA,
 ILLUSTRISSIMÆ ac INCLYTISSIMÆ
 DONHOFFIANÆ
 DOMVS,
 Religioni, Fortitudini, Victoriæ,
 Gloriæ,
 VICTIMA.

Qui Virtuti Gloriæq; à Maioribus per sanguinis inclyti ad Nepotes propagationem deductæ, metas, limitesque auderet præfigere, pudendam indoli generosæ ignaviæ plagam, ac labem infligeret. Nescit illa Columnas Herculis, quæ suo *Non plus ultra*, magnanimitati heredum terminos metari possent, cum eò liberius ampliora sibi theatra pandat, quò angustioribus inuidiæ, fortunæ, vitæq; cancellis definitur. Hæc est sterilitatis ignara illius fecunditas, quæ meritorum prouentus, non tantum ad orbis spatia, terris, ac oceano dirempta, protendit, verum ad temporum, seculorumq; cursum, ac demum æternitatis possessionem exonerat; neq; enim eò usq; processit in maioribus absoluta Virtutis & Gloriæ magnitudo, vt debitorum à successoribus incrementorum incapax, ad ignaum otium crescendi damnata, hinc subsistere deberet, vbi per generosæ stirpis laborem indefessum magnis procedere passibus laudandam imponit necessitatem. Scilicet hæc est illius natura, ibi in nepotibus cursum ordiri vbi maiores communibus fatis cedentes, vitâ, virtutibusq; defuncti, desierunt, qui tanquam emeritæ gloriæ Duces, & Antesignani, pulchra exemplorum signando vestigia, præiuerunt. Si quæ Virtutis, Gloriæq; Heres, æterna Domus. illustriora in Vniuersum propè orbem explicat. Decora ad imitationem, certè Vestra Illustrissimi DONHOFFIÆ DOMVS Heredes, quorum primæ originis sanguinem in Hispaniæ, Arragoniæ, Portugalliæ, Castiliæq; Regum solijs orbis adorauit. Cum enim ANFERHORBVS Hispaniæ Rex per Feciales Arragoniæ Regi bellum ingens indixisset, VERONA Arragoniæ Regina, fatis concedente Rege, aciem instruit; acriminùs

Nolimberg.
 in Symbolis
 Portugalliæ
 & Regum
 Arragon.

minus tamen propitio, Marte dimicat: nam caeso profligatoq; exercitu captiua, in deserto immanes inter belluas ad truncum religatur, praedae ferarum exposita. Egebat fortitudinis inuictae vindice, & caeli exercitus injuria, & Reginae contumelia. Vnum tot malorum, quae Regnum, Reginamque premebant, praedestinavit Diuinum Numen Heroem **DONHOFFIVM**, qui coactis tumultuariis copiis, per auia festinato itinere opem libertatemque Reginae laturus, appropinquat; immani Apro, qui Veronae periculo imminerebat, inuicta manu caput amputat, captiuam soluit, throno, Regnoque restituit, rara felicitate, rariore fortitudinis exemplo, praecipiti victoria Hispanorum exercitus persequitur, profligat, caedit, demum omnium suffragiis, votisque, Hispaniae, Arragoniae, Portugalliae, & Castiliae Rex inauguratus, orba Regibus occupat solia, Regiae propaginis gloriam in throno orditus, ad hanc in feris Neptibus transmisit aetatem. Quo aliorum ambitiosa non peruasurunt vota, aut se se exporrigere non potuerunt desideria, palmaris Diuinae Fortitudinis Victoria **DONHOFFIAM** stirpem, per orbem Regio propagandam sanguine, collocavit, & quasi vnum tanto Magnanimitatis, ac Fortitudinis merito, impar esset, quadruplici eam Diademate manus Diuina coronauit. Hic sublimatam in Regum solijs, coronatamque, viuam Religionis Imaginem spectare licet. Quid enim ad Regiae gloriae partem usurpatus Regibus Hispaniae **CHRISTIANISSIMI** titulus denotat, nisi Religionis erga **DEVM**, Ecclesiam, Sacraque omnia, monumentum, quo Reges, Regna, populi que consecrantur, firmantur solia, auctorantur exercitus, illustrentur Familiae, euentus rerum felicitantur, omnia demum ad suae perfectionis, ac beatitudinis possessionem consequendam initiantur. Ideo **CHRISTIANISSIMI**, quod sub dominatu suo neminem patiantur, qui extra fidem, & Ecclesiam constitutus, contra fidem Ecclesiamque hostilitatem profiteretur. Praeuiit Exemplo **DONHOFFIORVM** sanguis Illustrissimus, ut processu temporum Regibus Regnisque Hispaniae probrum sit quam maximum, in suis ditionibus illis fauorem exhibere, qui rei Christianae odium professi probantur. Hinc Sacri Concilij Tolentani statutum est: *Hispaniarum Reges ne Regiam sedem conscendant, priusquam inter reliqua Sacramenta jurent se nullum non Catholicum permissuros in suo regno degere.*

*Concilium
Tolentanum.*

Non tantum sub Coronis Regum, at sub triplici quoque summi Pontificatus tiara **DONHOFFIANAM** consedissee Religio.

ligionem ille dubitabit, qui Principum **FRANCONIÆ**
 Sanguinem, congenerem, cognatumque **DONHOFFI-**
IS ignorat. Viuis excessit Nicolaus Secundus summus in
 terris Christi Vicarius. Ambitionibus, Votisque in di-
 uersa tractis. Ecclesiæ malacia confundi, conuelli que cœpit;
 ille quærundus tantæ sufferendæ moli Sanctior Atlas fuit,
 quem innocentis vitæ meritum, summæ Prudentiæ laus,
 alijs non comparandæ Religionis gloria, sollicitudinis, ac
 vigilantia studium; omnium denique Pastoralium Virtutum
 Comitia, suffragijs ad summum Pontificatûs supremi api-
 cem promoueret. Virum cœlo destinatum, missumque pu-
 tauit Ecclesia, **ANSELMVM** Patriâ Mediolanensem, ex
 Illustrissima Ducum **FRANCONIÆ** Familia, Episcopum
 Lucensem, qui summi Pontificatûs Infulis admotus, ac
ALEXANDER Secundus appellatus, sanctitatis, ac mira-
 culorum gloriâ illustris, Pontificales cathedras absolutis-
 simis consecrauit, coronauitque Virtutibus, ipse terror
 dæmonum, ægrorumque salus, nam ex hominum corpo-
 ribus infestis, possessisque profligat dæmonia; illis despe-
 ratissimas ægritudines persanat vndis, quibus rem Diui-
 nam ad Aram facturum, manus abluebat. Nonne hic sub
 Regum Diadematibus, sub potestatis DEI in terris vicariæ
 infulis, Donhoffiana triumphat Religio, quæ nec in terra-
 rum dominijs tolerat hostes fidei, nec in corporum hospi-
 tijs principum tenebrarum imperia, nec arumnosos ægri-
 tudinum labores, doloresque patitur. Compari, Donhof-
 fianæ Domûs Heredes Illustrissimi, Religione, Zeloque ad
 fidei Ecclesiæque promotionem, ac propugnationem inten-
 dunt, ad eliminandum è Regno, quidquid erga Deum,
 Fidem, & Ecclesiam, hostilitatem profitetur. Hæc Domus
 Religionis plena insignibus, quæ monstra non generat, nec
 fouet abortiuos partus; aut si quid informe tolerat, pati-
 turque ad formandum, informandumque; Fidei dogmatibus
 indefessis studijs adlaborat. Quis non dicat **DONHOFF-**
FIANÆ Religionis thaumaturgam virtutem, quæ Pro-
 uincias repurgat monstris, aut Diuina quadam metamor-
 phosi monstra transformat in homines, ex Franco-
 nia in Liuoniam ducens colonias, cum **MEINHARDO**,
 primò Liuorum Apostolo, qui Paganismi erroribus, ac te-
 nebris inuolutos, ad Fidei lucem, Christianorumque dogma-
 tam regulam, & instituta deduxit, ac è seruitute dæmo-
 num, ad Christianam libertatem asseruit. Viuunt in Prusso-
 rum, ac Liuonum Annalibus, tantæ Religionis, Zeli; Fi-
 deique monumenta, quæ perennem merita famam continua

Platina in
 Alexan. 119

successione in posteris ad exemplum, & imitationem trahuntur. Viunt in Illustrissima DONHOFFIANA æternæ gloriæ, laudum, meritorumq; Herede Domo, sub Pontificalibus, ac Abbatialibus infulis, in sublimioribus dignitatum ampliorum curulibus, in toga, sagoque, in castris, ac Senaculis; vbi hic consilij, illic armis pro Religionis Christianæ re decernitur.

Viunt & in Te, in æternitatis superstes memoria, satis melioribus admote, Illustrissime ac Excellentissime VLADISLAE DONHOFF Palatine Pomeraniæ, qui posthabitis peregrinæ religionis erroribus, auctoratus Ecclesiæ, Religionis Catholicæ Honorem, verbis, laboribus, fortunis, armis, vitæque ipsius dispendio, fortiter, ac indefinenter asseruisti; huius promouendi Zelus eo Tuam, rei Christianæ bono à coelo formatam & confirmatam, indolem coëgit, vt vitæ, fortunarumque neglectu doceres, quo in pretio, quibus in amoribus Tibi fuerit Catholicæ Fidei integritas, quam diuersis locis, & temporibus, variarum cohortum Præses, & Imperator, in omnibus Serenissimi Regis CASIMIRI, contra varios ferocissimos Fidei Patriæq; hostes, expeditionibus Comes indiuiduus propugnabas, non minus fortis in acie, quam Religiosus in templo. Hinc illa Herois inuictissimi, Senatoris prudentissimi, Catholici religiosissimi, frequentata inuicta deuotio, quæ nullum præterire diem patiebatur, etiam in collapsæ valetudinis ærumna, quem ad Augustissima Sacri Altaris mysteria, rara ad exemplum, & stuporem modestiæ, præsens, religionis, ac deuotionis merito non consecraret. Effulget eximium, quod fama secuturis ad venerationem, ac admirationem transcribit ætatibus, Religionis argumentum, in vindicanda profanatæ sacrilego plebis Gedanensis ausu, Carmelitarum Ecclesiæ, injuria; viuit, viuetq; in famæ perennis præconio Zelus, quo intus perurgente, eò ferijs laboribus, tanquam iustus Honoris DEI, Ecclesiæ, Fideiq; Vindex, æquitatis causam deduxit, vt contemptæ religioni iustus honor, æquum damnis ingentibus pretium, meritæ sacrilegis calonibus poenæ, decernerentur. Sed illud supremum est inuictissimi, ac religiosissimi Herois, erga Ecclesiam, Fidem, Sacraq; omnia, propensioris affectus documentum, quod qui pro religionis aut conseruatione, aut promotione, aut propugnatione, laboribus ardius non pepercit, & fortunis liberalibus, seipsum Religioni consecrauit in victimam. Hinc erigitur DONHOFFIANÆ Religionis

ARA.

A R A.

Adeste, quos ad Catholicæ Religionis gloriam
initiauit gratia !
Hanc Pacis Aram in hostico erectam veneremini;
Inclytissimæ & Illustrissimæ
Donhoffiæ Domus est Ara,
Quæ cum Pontificibus, & Regibus Cunas dedit,
Flamines, & Infulas Sacerdotij Regalis habet.
*Vbiq; Religionem colit,
Vbiq; & Aram habet.*
Sacerdotes habet, & Victimam,
Illustrissimum ac Excellentissimum Dominum
VLADISLAVM DONHOFF
Palatinum Pomeraniæ,
Qui
Austriacæ, & Pannonicæ Comes Victorix,
Exercituum Domino,
*Ecclesiæ, Fidei, Religioni, Patriæ, Domui, Victima factus
Aabuc calentibus in hac Ara cineribus ardentem
Zelum fouet,*
*Qui in successuris Nepotibus erumpet in incendia
Quibus Ecclesiæ, Religio, Patria illustrabitur.*
Æternæ Tyrannus administer gloriæ;
Laureatum Victoriâ Caput abstulit;
Ne tamen acephalam dicas victimam,
Gentilis Apri Caput substitutum,
Religioni Sacrum hoc probat,
Vnam hanc Domus Donhoffianæ Sacram Victimam
Replicatas Hecatombes excedere.
Proprio lustratur in cruore.
Ne regnum superum peteret absq; purpura,
Qui se Regiæ stirpis non degenerem ostendit propaginem
Heroa Virtute necessitatem anteuertens.
Hoc ante consecrauit, merito, quod aliquando natura extorque-
re debuit,
Animum coelo, terræ corporis exuias.
Hanc Aram Donhoffianus erexit Genius, & ingenium,
Quod per temporalia fortunarum vitæque dispendia,
Gloriam æternitatis mereatur.
Norum superi, nouerint & posteri,
Quod pretiosorem DEO, Ecclesiæ, Religioni, Patriæ,
C Quod

*Domuique suæ Donhoffij hæc in Ara dare
Non possint Victimam quam seipsos.*

Congenitam Illustrissimæ Donhoffiæ Domûs Religi-
oni Fortitudinem, cum pridem in Aboriginibus in-
uictissimis, tum his ætatibus in generosissimis Nepo-
tibus, Regna & Prouinciæ venerabantur. Etiam hodie illi-
us magnalia loquuntur vindices temporum Historiæ, quæ
meritam heroicis actibus famam in æternitatem proro-
gant. Scilicet & agere, & pati fortia, non tantum Romano-
rum est; Id ipsum à maioribus accipere laudis patrimoni-
um Donhoffij, & agere & pati fortia; dum Ecclesiæ, Fidei,
Patriæque aut propugnandæ, aut exornandæ necessitas; aut
iustitiæ vindicandæ Zelus, exigebat. Initiauit Honorem
Fortitudinis, secutus ad imitationem ætatibus dans exem-
plum inuictissimi animi *Sirpis Donhoffianæ Princeps*, qui in-
uicti roboris virtutè non tantum laureas ex Hispanorum e-
xercituum cladibus, sed Regna, Regumq; Coronas prome-
ruit. Sago togaq; clarus OTTO Donhoffius Palatinus
Derpatensis, cum iuuentutem, virilemq; ætatem præcla-
ris in Martis acie contra Fidei, Patriæq; hostes, facinori-
bus decorasset, eadem inuicta animi fortitudine, quæ bel-
li tractabat negotia, pacis ac vnionis moderabatur momen-
ta, ad Liunioniæ cum Polonia vnionem, quam sua subscripsit
manu, ad laborando. Fraternam Fortitudinis imitatur in-
dolem Illustrissimus, quæ generis claritudine, quæ forti-
ter bello, paceque gestorum gloriâ T H E O D O-
R V S Donhoff Palatinus Vendenſis: qui non tantum
licentiâ belli superbam, rebellium Polonia Crucigerorum
potentiam, ingenti fortitudine partis, frequentioribus vi-
ctorijs domuit, ac infrenauit, verum penitus, in Liunioniæ
visceribus, non tam liberè, quam licentiosè grassantem, e-
liminavit. Probauit Donhoffiæ Fortitudinis gloriam &
H E N R I C V S Donhoff Capitaneus Dinemburgensis, dum
rem bellicam contra Suecorum exercitum sub Gruneualdo
fortiter agit Heros magnanimus, pluribus inflictis illorum
exercitui cladibus, Patriam fortitudinem generoso subscri-
bens sanguine, victor laureatus occubuit. Leteis indigna
vorticibus, obliuionis cladem apud posteros non tolerat,
Tua infracti animi Fortitudo Regnorum Arbiter, Paca-
torq; E R N E S T E Donhoff Palatine Parnauienſis, studijs
Belli; Pacisq; Vir inclytissime, qui post tractata apud di-
uerſos Principes, feliciterq; absoluta Legationum momen-
ta; post peracta cum Carolo Sudermano Sueciæ Rege ne-
gotia;

*Okolſki Orbis
Poloni To-
mo I.*

gotia; post composita, abolitaq; Suecia, Poloniaq; Regnorum odia, eadem fortitudine quā antehac Suecorum sapius arma triumphasti, Tribunus militum, contra Ottomanicam potentiam acriter bellando, illustres reportasti victorias. Viuit in Filijs Tuis idem animi inuictus vigor, quos quemadmodum Sanguinis, ita & Fortitudinis Heredes, relicto amplissimo Virtutum, ac Meritorum patrimonio, reliquisti, FRIDERICO Donhoff Subdapifero Magni Ducatus Lithuaniae, quem rara admodum generositas, Generalem Exercitibus Ducis Prussiae praefecit; Perennat in magnanimo Sanguinis, Virtutis & Nominis Herede, Illustrissimo Filio ERNESTO Donhoff, qui arduis heroicorum meritorum auctibus, & virtutum bellicarum suffragijs promotus, Castellanus Vilnensis, ac Generalis Germanici Exercitus in Polonia, factus, bellicae fortitudinis, honorem propagat, vt in bellicorum consiliorum arcanis studijs Heros peritissimus, ita in Fidei, ac Religionis tenenda, tuendaq; integritate zelosissimus. Nec segnius ad hanc ex rebus fortiter gestis augendam adlaborant gloriam HERMANNVS Donhoff, cui magnanimitas congenita, à prima ætate cum iuuenilibus annis, Marti, sagoque consecratis, fortitudinem roborabat. Nondum plenos adolescentiae emensus annos, Turmarum Ductor, veteranorum, in bellicae virtutis exercitio, exemplum factus, ab Imperatore suo, Magno illo Hectore Poloniae Zofkieui, Martiae virtutis testimonium, & elogiū obtinuit; *Vir Fortis, Pignus Martis*, Reipublicae integritati in Cecorensi clade sanguinem litauit. Hinc Illustrissimam DONHOFFIAM Domum, quendam Equum Troianum, bellicae virtutis, & Mauortiae Fortitudinis imaginem dicere liceat, ex quo tot Heroes, quot successores, non ad funesta Regnorum excidia, sed ad Ecclesiae, Patriaeq; salutem, ac defensionem procedunt. Dulcis est Tui gloriosa recordatio Illustrissime GASPAR Palatine Siradiensis, qui ob res bello, paceq; praeclare gestas, Serenissimis Poloniae Regibus SIGISMUNDO, & VLADISLAO maximè charus, eò processisti in Regum ac populorum amoribus, Regum Ephestio, quod alios nec ardua vota, nec aucupatae gratiae studia, obsequia, conatusq; poterant promouere. Ad deducendam Reginam Regno Serenissimam CAECILIAM Renatam, Serenissimo Poloniarum Regi VLADISLAO, cum Illustrissimo, ac Reuerendissimo Ioanne Lipski tunc Episcopo Culmensi, post Archiepiscopo Gnesnensi Ablegatus, summa cum laude, prudentiaq; hoc munere defun-

*Piaecius sub
Anno 1628.
Okolski Tomo*

ctus, à FERDINANDO III. Romanorum Imperatore, pro se, successoribusq; suis à se descendentibus, Sacri Romani Imperij Principatus titulum consecutus; ad Reginalis Aulæ Præfecturam admotus, tot Regalium, ac Imperialium amorum, fauorumq; auctibus honoratus, quam ex Arborigenibus bellicæ Fortitudinis gloriam, cum Illustrissimi Sanguinis propagatione, non otiosus virtutis promouendæ heres, per Illustrissima, ac felicissima cum ALEXANDRA Koniecpolska, Magnorum in vtrâq; Republica illorum Virorum, STANISLAI Supremi Exercituum Regni Dictatoris; CHRISTOPHORI Palatini Belzenfis; REMIGII Episcopi Culmenfis; IOANNIS Palatini Siradiensis, germana Sorore, transfudisti, in Filios, STANISLAVM, SIGISMVNDVM, & ALEXANDRVN, ipsis augusti Nominibus Gloriam, Victoriâ, ac Fortitudinem sonantia; vtriusq; Reipublicæ, Patriæ, & Ecclesiæ ornamenta, ac portenta Heroæ Fortitudinis quæ in arduis Patriæ, Ecclesiæq; negotijs, agendo patiendq; fortia, emeritæ virtutis gloriam, laudemq; consecuti perennant: Illustrissimus STANISLAVS Donhoff Vielunensis, & Radomscensis Capitaneus, admirandæ Vir magnanimitatis, viribus fortunisq; non parcendo, sub Serenissimo VLADISLAVO IV. Felicissimo Poloniæ Rege, ad Sueticum, & Moschouiticum bellum, cohortes militum proprio auctoravit ære, non minus Fortis in adeundis belli periculis, quàm in erogandis ad patriæ Ecclesiæque subsidia, militaribus stipendijs Liberalis, quid generosus illius erga Patriam posset animus, luculentioribus quàm Liberalitatis, quàm Fortitudinis exemplis docuisset, nisi in Varsoviensium Generalium Comitiorum æstu, dum Nuntij terrestres Vielunensis fungeretur officio, præmatura mors, pulchrè per virtutum ac meritorum auctus continuatum vitæ cursum præcidisset. Viuit tamen in Illustrissimo, nec à tam illustri sanguine degenerare, SIGISMVNDUS VICTORE Donhoff Succamerario Vielunensi, quem ex Illustrissima Magnarum Virtutum Heroïna ANNA Ducissa Radiuilia, Illustrissimi ALEXANDRI Ducis Radiuiliij Mareschalci Magni Ducatus Lithuaniæ Filia, Illustrissimi MICHAELIS Ducis Radiuiliij, Vicecancellarij M. D. L. ornatisimâ, ac sumptuosissimâ, Viennam ad Romanorum Imperatorem, LEOPOLDVM I. Romamque, ad S. D. N. INNOCENTIVM XI. nuper Legatione, demum & vitâ Bononiæ defuncti, germana Sorore progenuit; ad omnia summa natum vidit Polonus orbis, dum ter exteras
natio-

nationes visitantem admirabatur, vt quidquid ad Virtutis eruditionem, animiq; culturam excellens, & eximium sub peregrino sole nascitur, ad absolutissima suæ indolis, ac Illustrissimæ Donhoffiæ Domûs ornamenta trahat; videt magis olim profuturam Patriæ, stirpiq; Illustrissimæ, nunc maturam in iuuentute prudentiam, quam Nuntij terrestres Vielunensis officio ter defunctus probauit, adeo præclare terræ Vielunensis momenta pertractando. vt liquidò constaret generosissimam, ac ornatissimam Virtutibus indolem magnis passibus ætatem anteuertere.

Bellacem Fortitudinem, ad Illustrissimæ Donhoffiæ Domûs ornamenta, ac emolumenta Patriæ, quis non venerabundus admirabatur in Illustrissimo SIGISMUNDO Donhoff Bydgoſtensi, Sokalensi, Bolesławienensi, Bohusławienſi, Łańcienſi Capitaneo, Sacræ Reginalis Maiestatis Dapum incisore? duram, seueramque sibi necessitatem imposuit sub Serenissimo Poloniæ Rege IOANNE CASIMIRO, nullam pro integritate Patriæ bellandi occasionem intermittere; hinc ad amolienda impendentia Reipublicæ pericula ingentes curæ, decumanorum periculorum contemptus, neglectus otij, ad fouendam Cataphractorum, seu Vrsariorum vnam, alteram Germanorum Cohortem, seu vexillum, erogati sumptus, in acie exantlati labores, sub aperto Ioue tolerati æstus, & frigora, sollicitudo irrequies, abundè probauere nihil superfuisse aut à quoquam excogitari potuisse, quod à Ciue sui amantissimo Patria sperare, aut expectare, deberet, cuius indemnitati securitatiq; Serenissimo Rege, totaq; Republica, sub Zorawno periclitante, vt suæ fortunæ dispendijs, vitæq; in summa pericula prostitutæ contemptu, prouideret, pro Obside spontaneus exul, ad Hanum Tartarorum iuit in Chersonesum Tauricam, vbi toleratâ honorificæ captiuitatis ærumnâ triennio, non tam ex Reipublicæ ærario, quàm de suo lytrum numerauit. Stupebat in eo formidabatque inuictam animi fortitudinem sequioris fortunæ tolerantissimam, barbaries, & quam aliquando sibi nocituram, perniciosamque, foedifragâ conscientia iustum opinandi suggerente consilium, credidit, ad labefactandam cum vita (vt non imprudens prodidit suspicionis præsumptio) lento, ferroq; toxico ad mortem subseruiuit, quam cum immortalitate (si conditio mortalitatis pateretur) donandus, in Arce sua Viazdouiensi Anno Ætatis suæ trigesimo oppetijt, funestâsse præmaturo fato Illustrissimam Domum dici potuit, nisi ejusdem erga Ecclesiam, Patriam, Domumq; Amoris,

ris, ac Virtutum Heroicarum, Quatuor Filios Heredes reli-
quisset, ex Illustrissima TERESSIA ANNA Comitissa
in Teczyn Ossolonia, Magni illius, ac suauissimi Sarmatiae
Demosthenis, & Tulij, GEORGII Comititis in Teczyn Os-
solinij, Regni Cancellarij Filia, CAROLVM GASPA-
RVM, GEORGIVM ALBRACHTVM, STANI-
SLAVM CASIMIRVM, & FRANCISCVM
BOHVSLAVM.

Tanto se Parente natum, eximijs bellandi studijs, demon-
stravit Illustrissimus CAROLVS Donhoff Venator Sira-
diensis. Paternae Fortitudinis insistens vestigijs, iuuentu-
tem inter arma, belli artibus innutrit in Castris Romano-
rum Imperatoris. Vidit alienum solum in diuersa acie
militiae illius Tyrocinia, sub famosissimis Imperatorij E-
xercitus Ducibus, ZVZA, & MONTECVCVLI, ex
quibus cum Magisteria fortitudinis accepisset, Martiam vir-
tutem, expectatione, aetateq; maiorem honorauit. Ardu-
um belli rudimentum, ac Fortitudinis experimentum, ob-
jecit illi ferro detonans, imminensq; Imperio, Ottomani-
cae potentiae tempestas, quae non tantum in castris iuuenile
corpus grauib; sub armis, laboribus durabat, verum ani-
mi imperterritam constantiam, ad audenda pro DEO, &
Patria facinora quaecunq; roborabat. Honorauit illam
Serenissimus Poloniae Rex IOANNES CASIMI-
RVS, cum reducem Germanicae cohorti in Exercitu Pa-
trio praefecit.

Nectuntur pulchro, quemadmodum Sanguis, ita vir-
tutum vinculo, & in Illustrissimo GERARDO Donhoff
Palatino Pomeraniae bellicae gloriae, & fortitudinis Donhof-
fianae monumenta, quae tanquam amplissima, gloriae aeter-
num victurae, possessio, ad Filium non obliquo tramite
transferuntur. Te hic reuerenter memoro, Illustrissime,
& Excellentissime VLADISLAE Donhoff Palatine Po-
meraniae, vt Patrij Sanguinis ac Fortitudinis Heres, ita ad
sublimioris dignitatis subsellium ex Virtute successor.
Probasti Patriae, Illustrissimaeq; Tuae Familiae, nulla fortu-
nae vice dejectam fortitudinem, ac intractabile constantis
animi robur, cum a scientiarum disciplinis, in exteris nati-
onibus summa cum laude pertractatis, ad Arma, bellicae
studia, Mauortiae gloriae destinatum animum transferens,
ea in castris variarum Dux, & Imperator cohortium, plu-
ribus annis gessisti, quae fortitudinem in periculis, pruden-
tiam in gerendis, consilium in ambiguis, magnanimitatem
in arduis, demum (vt absq; verborum ambagibus verita-
tem

tem eloquar) Te ipsum expetebant, quem ad summam Fortitudinis bellicæ gloriam ille in Tua Tuæq; Domûs ornamenta cōspirans virtutû chor⁹ amavit, quem Serenissimi Poloniae Regis IOANNIS CASIMIRI in fumis Regni, solijq; nutantis discriminibus satellitem requiebat. Quid pulchrius, quid honorificentius, quàm throno, lateriq; Regio proximum non ostentationis, aut assentationis gratiâ, sed necessitate defensionis, ac securitatis, custodem assistere? Quæ in Regno potiora habuit Serenissimus Rex, vitam tot periculis circumseptam, Tuæ credidit fidelitati, quam cum domi, tum in omnibus bellicis expeditionibus expertam habuit, atq; ne inpræmiatam relinqueret, Te Succernarium Pomeraniæ creavit. Minor longè laboribus, curisque ingentibus visus fuit vt amplitudine meritorum, Serenissimo ac Inuictissimo Poloniae Regi IOANNI III. Orientis felicissimo Victori præstitus Honor, quem vt iustus meritorum æstimator, ac arbiter intenderet, Castellatum Culmensem, paulo post Palatinum Pomeraniæ, ac Thesaurarium Prussiæ præfecit, vt tam augustis honorum accessionibus merita compensaret. Sed nihil iam intra mortalitatis conditionem reliquum est, quod Fortitudinem victrici sanguine consecratam digniùs valeret rependere, quàm vt Donhoffiano sanguini congenitam demonstraret, ad supremum vitæ momentum asseruit. Dixerit sanè Demosthenes Fortitudinem Græciæ animam fuisse, quod in Heroibus non prius animo, quàm corpore spiritûs excesserit: veriùs absque assentationis nota fatebitur posteritas, Illustrissimæ DONHOFFIÆ Domûs Animam esse Fortitudinem, nullâ hostium, aut fortunæ labefactatam acie, Fingat, aut pingat mendax vetustas quæcunq; Fortitudinis portenta, suoque expergefacta puluere per omnium ætatum scenas oculum circumferat, fabulas in veritatem transijisse in Illustrissima Donhoffia Domo fatebitur, dum quot Viros, tot Heroes, tot Fortitudinis portenta recensabit. Fastuosus aliquando Atheniensis ignauam carpebat Lacedæmonum indolem imaginis obiectu, quæ Lacedæmonas ab Atheniensibus cæsos, ac profligatos referebat, dicens: *Quàm fortes sunt Athenienses!* cui Lacedæmon argutè reposuit: *In Tabula:* Hoc probrum venit in alios quod Fortitudinem suam mendacis famæ præconio, verborum pigmentis, aut heroicorum facinorum figmentis, laudem aucupando, intendere moliantur, quibus responderi potest, fortes esse, sed in ore, in verborum pigmentis, aut figmentis. Nemo pictam fictamque Donhoffiæ Fortitudinis glo-

riam dicet, qui Tuo Heros Victoriosissime VLADISLAE
Donhoff Palatine Pomeraniæ, sanguine omni pretiosiore
purpura, Regum æquiparando trabeis, madentes ad Stri-
gonium, adhuc calentes Fidei Zelo, campos spectauerit,
in quibus consecrata Fortitudini Victima, melior Antæus
ad æternitatis gloriam surrecturus cecidisti. Auro, ada-
manteq; pretiosioria Tuæ Fortitudinis instrumenta videat,
legatque posteritas.

ARMAMENTARIUM.

In Victricibus Austriæ, Pannoniæque campis,
Ad Armilustrium oculos euocauit orbis Europæi,
Exercitus Poloni splendor.

Hic & Illustrissima Donhoffia Domus sua aperuit Armamentaria,
Ex quibus

Thraciæ offensiuæ, Christianitati defensiuæ

Mars Christianus promit Arma

Primum ex Armamentario minax signum erigit pro labaro,

Gentilis Apri Caput,

Sub cuius auspiciis, cum res bellica prosperè geritur,

*Vnum Caput, Aquilis, Lupis, Minotauris, & Equis Romano-
rum præferendum.*

In quo & Aquilarum pugnacitas, Luporum solertia,

Minotaurorum fortitudo, Equorum generositas eminet.

*Et Persarum Aquilas, Soleisque, Atheniensium Noctuas, Thebanorum
Sphinges, Cymbrorum aneos Tauros, Cyri Gallos, Osiridis Canes, Ægy-
ptiorumque animalia, ac monstra cohortibus præferri solita axa-
quat, & superat;*

Apertis id probat Fortitudinis argumentis sub his militans Armis
Illustrissima Domus Donhoffia.

In compendium illa coëgit Illustrissimus Heros

VLADISLAVS DONHOFF

Palatinus Pomeraniæ

Qui Lorica, & galea; Clypeo, & gladio

Belli causam anteponebat,

Hac, ut Armis usus, pugnavit.

Sub ejus Gentili signo

Illustrissimarum Familiarum foederantur per foedera matrimoni-
alia, Arma

Quæ gloriæ militant, & victoriæ,

Illustrissimorum Ducum Radiuiliorum Tubæ, & Aquilæ,

Czartorysciorum Equites Cataphracti;

Quo-

Quorum hi propugnant; illi famæ transmittunt
 Æternum victurum Stirpis Donhoffiæ Honorem.
 Elucent Patrijs splendoribus, Censoriæ, Senatoriæque dignitatis
 Romanæ insignia
Illustrissima Oſſolinia, ac Opalenia, ASCIÆ
Quæ nullam rubiginē paſſæ cum hoſtilia molimina deſtruunt, extruūt fama
gloriæque victura monumenta.
 Koniecpolſciæ ſplendent SOLE Æ
 Feruntur Leſcziniorum, ac Opaleniorum plenæ Heroicarum Virtu-
 tum inſignibus ONERARIÆ,
 Affulgent, Illuſtriſſimæ Daniſouiciæ cum Luna
 Stellarumque ornamentis; Działyńſciæ,
 & Kalinowſciæ SAGITTÆ,
 Eminus fama, cominus fortitudine hoſtibus inſenſæ;
 Ornant Illuſtriſſimæ Domūs Oleſnicia ROSÆ
 Defendunt cum Heroe ſuo Grzymultouia TVRRES,
 Tot ſtipatus Illuſtriſſimarum Familiarum Armis
Illuſtriſſimus VLADISLAVS DONHOFF
 Palatinus Pomeraniæ,
 Cum tot Familiarum inſignibus,
 Heroicarum Virtutum Legionem fulminatricem contra Ottoman-
 nos educens,
 Sumptibus proprijs auctoratam Vſariorum cohortem addit,
 Cuius ipſe Caput, & Cor; Arma, & Anima;
 Sui Capitis diſpendio, corpus exercitus defendit.
 Nec ita quidem illud amiſit, quod præmiſit cœlo coronandum.
 In vno Capite multum de Armis, & Animis
 demptum crederem, niſi ſcirem, illum
 Fortitudinis exemplo, non tantum ad Donhoffianæ
 Domus progeniem, at in omnes Chriſtianos exercitus, magnani-
 mitatis
 Cor & Spiritum transfudiſſe.

REcè per Armamentaria patet aditus ad auguſtum
 Coronatæ Victoriæ Templum, quod in Illuſtriſſima
 Domo DONHOFFIA magnis laborum, ac meri-
 torum impendijs Virtutes Heroicæ fundauerunt. Impleue-
 runt illud tum Aborigenes, tum Nepotes Illuſtriſſimi de-
 tractis aduerſo Marti, Fortunæq; manubijs, quæ vt quon-
 dam trophæa Miltiadis, tot habent auidos, ac æmulos bel-
 licæ laudis Themistocles, quot per ſanguinis inclytiſſimi
 ſtirpem, Martiæ fortitudinis exemplis ad imitanda pulchra
 æmulatione facinora animantur. Fortitudo, indubitata
 Mater Victoriæ, dum prudentiâ, & magnanimitatis exem-
 E plis

plis subnuitur, ad belli exoptatos fructus promouet. Hinc Historia famæ perennis alitrix, decumanas prodit, non magnis admodum impendijs partas Heroinarum, ac Heroum Victorias, quibus tum aliorum exempla, ad incitamenta, tum immensa cupido laudis præiuit. Confudit ignauiam virorum muliebre Tomiridis ingenium, quæ ducenta Persarum millia vna acie tanta cæde trucidauit, vt ne quidem luctuosæ cladis reliquerit nuntium superstitem. Locrensiū quindecim millia, centum viginti Crotoniatarum millia fuderunt. Duce Milciade ad Marathonem Atheniensium decem millia, immensas centum, & decem millium Persarum strauerūt acies. Spartanorum decem millia Duce Leonida iterum effusos innumerabiles Persarum exercitus deleuerunt. Præiuerunt victoriæ prodromi, Spartanorum sexcenti, castra quingentorum millium inuadendo, & vsq; ad satietatē sœuendo, adeo, vt qui terrestres, naualesq; copias vltra decies centena peditum, equitum verò octoginta millia armatorum in expeditione ad orbis terrorem duxerat, cuiq; sexcenta millia frumenti modia diurno cibo, & tot flumina exhausta potui non suffecerint, is tanta clade cæsus, & profligatus mermi naue, per funestas corporum, armorumque strages vix euasit. Quid memorentur ingentes Græcorum, ac Romanorum Victoriæ? Hic sæpe dubiam in illum fortuna deflectit victoriam, qui minori præsumptione se futurum victorem pollicetur. Ità non omnes quos fortissimos excipit, Victores dimittit acies. Verùm excesserunt antecedentium seculorum Victorias inauditæ ad Vieneses, & Strigonienses Cannas, contra effusas orientalium tyrannorum myriadas, Polono Marte consummatæ Victoriæ, cum Stellæ in firmamento Sarmaticæ Virtutis ordinatæ, Illustrissimæ dico Familiæ contra Ottomannum Sisaram pugnaverunt. Eminent natiuis suis splendoribus Donhoffianæ Domûs illustrissimum insigne, à Romanis olim ad ingentia bella præferri solitum, publicæ saluti, & Christianitatis defensionis consecratum, **APRI** Gentile Caput. Leuauit contra illam superbiâ tumentem, regnorumque rapinis, & cladibus elatam Ottomannam Ierichæ **CLYPEVM** suum Serenissimus ac Felicissimus Rex **IOANNES**, Christianus **IOSVE**; cum illa in conspectu tantæ maiestatis subsistere non tolerans, mole tot victoriarum, ac spoliū prægrauante ruens, Victtricem Polonam virtutem adorauit. Aureas Persarum Aquilas, Dracones, variaq; ad auspicia belli eleuata, prælataque, in Honore, Virtuteq; superat barbararum gentium monstra, ad

Orbis

Orbis Christiani defendendam, protegendamq; salutem, Serenissimi, ac Inuictissimi Regis Poloniae IOANNIS CLYPEVS, ad cuius eleuationem, cum omnia Illustrissimarum sub coelo Poloniae Familiarum mouerentur, & sequerentur insignia, & Tuam quemadmodum amori, ita lateri Regio propinquius sequebatur Labarum, gloriosissimis coronate Victorijs, Illustrissime VLADISLAE Donhoff Palatine Pomeraniae. Excedit hic omnem praedicandi facultatem sanguine illustrissimo Tua consecrata Victoria, quam felicitati, salutiq; Christianitatis addidisti, nec mortalium facundiâ coli ambit, quam aeternitas circumplexa in superum suscepit Capitolio coronandam. Solidos ad Victoriam Tibi gradus in suis substrauit exemplis Illustrissimus Genitor Tuus GERARDVS Donhoff Palatinus Pomeraniae. Dum enim ADOLPHVS GVSTAVVS Sueciae Rex totam Prussiam suae potestati, quâ armorum violentia, quâ praestigiosa pollicitationum fraude, subijcere summis conatibus attentaret, ac vniuersam propè iam occuparet, quæ studia, quæ consilia, qui labores fuerunt, ne ditiones vicinas grauib; armis opprimeret; verum cum raro exemplo successus rerum illius felicitarentur, arcta obsidione incinxit Torunium, ad cuius vastitatem animos, & potentiam intendens, expertus est quid in rebus audius GERARDI posset inuicta Virtus, cuius auctoramentis ejus rejecta contemptaq; potentia Sueticis exercitiis confusionem, Torunensibus liberationem, fortunarumq; conseruationem attulit. Remunerabatur eam Victorem Regum fidelitatem in Torunij propugnatione expertam Serenissimus Rex IOANNES CASIMIRVS, cum post decessum ad otium vitæ melioris Illustrissimi GASPARIS Donhoff Palatini Siradiensis; Reginalis Aulae Serenissimæ Reginae, Coronæ throniq; Consortis, LVDOVICÆ MARIÆ GONZAGÆ Praefectum constituit. Hæc Tibi Victoriae exempla stimulos acriores dederunt, Illustrissime VLADISLAE Donhoff, ad audenda in omni acie, quæcunq; fors, hostis, aut fortunæ violenter obtruderet, facinora; reflexisti animum ad illam antecessorum Donhoffiorum magnanimitatē, quâ rebelles Poloniae ingētiaq; damna inferentes Liouonibus Crucigeros, vsq; ad Victoriā profligabant. Quotquot Serenissimi Poloniae Regis IOANNIS CASIMIRI numerantur de Kosacis, Tartaris, ac Moschis Victoriae, te in memoria hominum quemadmodum in laboribus, comitem, ita in triumphalibus consortem recognoscant honoribus. Magna fuisti pars Chotimensis illius Vi-

gloria, de Thracibus reportata, quæ, utpote recentis in-
mentum, cum Te acribus armis & animis decertantem au-
puit, ad maiorem hanc cui parem secutura fortasse vix da-
re possent ætates, Victoriæ gloriam seruauit. Pretiosior est
illa & ornatior, quam non tantum sudore ut in Chotimi
noualibus, verum liberali sanguine decorasti.

Habet & alias inuicta Virtus Arenas, & Palæstras,
Acies, & Olympia, in quibus Victoriæ comparantur. Cer-
te generalia Regni, particularia terrarum, ac Palatinatum
Comitia, spatiosum decertandi, vincendiq; Illustrissimo
VLADISLAO Donhoff Palatino Pomeraniæ explica-
bant campum, in quo tot rationum, ac animorum dissiden-
tium pugna, grauiorem armis, nonnunquam in ordinibus,
ac Regno stragem, boniq; publici cladem intulerunt, dum
priuatorum amor, & cura, commodorum, publicam Rei-
publicæ salutem, integritatemq; rerum, infirmat, ac labe-
factat. Ille hic euadit Victoriâ nobiliore coronatus, qui
publica priuatis anteponens, generosa mente, inuicto Ze-
lo, matura prudentiâ, rara dexteritate, eò rerum momen-
ta promouet, ac moderatur, ut boni Communis integritas,
aut collapsa erigatur, aut nutans stabiliatur. Et hic tuas Il-
lustrissime VLADISLAE Donhoff Palatine Pomeraniæ
molitus Victorias, palmam reportasti, dum Cuius optimi,
Patriæq; amantissimi partes explendo, tum in particulari-
bus Prussiæ, tum in generalibus Regni Comitij, assiduus,
malignorum consiliorum incentores, fraudum ad Reipu-
blicæ damna architectos, Æquitatis, & pacis osiores, autho-
ritatis, ac prudentiæ prærogatiua opprimens, candida sincer-
itate, Regij throni, Nominisq; reuerentiam, Patriæ securi-
tatem, Regiæq; Majestatis cultum promouebas. Summæ
potestatis, quæ in Patria est, publicæq; pacis inuida, armis
aureis in alios eminus, cominusq; pugnabat, & expugnabat
factio, ad Te, innatâ Illustrissimæ Domui Donhoffiæ recti-
tudine animi, infractum ac intractabilem, Fidelitate erga
Serenissimas Majestates nemini parem, & veluti adamante
duratum, longèque ab omni simulati animi fucò doloque
positum, pertingere non præsumpsit. Pulcherrima illa Vi-
ctoria, hic vicisse, ubi tot Patriæ potestatis impatientes è
summo virtutis, ac fidelitatis culmine, prægrauante pere-
grino ære, dejecti, tam procliui, abjectoq; ad aureas, argen-
teasq; quisquillas, animo, pudendam magnis Nominibus,
& Domibus, labem adpersere. Gloriosissima Victoriâ
cuius meritum solum liberalibus præmijs, cælum poterit
rependere, hic vicisse, ubi tot Procerum Patriæ, externo-
rumq;

rumq; Principum laborabant studia, vt propendentem Serenissimæ Majestatis, ad Armorum cum Austriaca Domo conjunctionem, animum, aliorumq; legitimè ac sanctè conspirantium reuocarent, aut deterrent, ex qua tanta Serenissimo ac Inuictissimo Regi IOANNI III. ac Polonæ Genti parta gloria, Christianitati securitas, tot populorum Libertas, Vrbium violento raptu vsurpatarum vindicatio, Viennæ, Sedis Imperatoriæ Liberatio, Fidei splendor, Ecclesiæ vniuersali Decus; Imperij Turcarum humiliatio, tot tyrannorum Christianitatis vastitati totis viribus incumbentium ingens clades, Regibus, Principibus, ac Heroibus Christianis Felicitas, & Victoriæ, consecutæ, tantum nunc Armorum Animorumq; conjunctionis necessitatem fuisse luculentis argumentis demonstrant, quantam ex ejusdem neglectu, aut contemptu, Christiano orbi euinire potuisse supremam, nec vnquam deplorandam pernitiem fas est coniectari. Non nudum calculum, aut solo numero æstimandum adiecisti votum ad rei tantæ momentum; addebas rationum pondera, vt inclinares; hinc emergentem, prudentiæ præfago oculo penetratam recte facti gloriam, ostendisti, vt in obliquum tracta consilia, ad iustitiæ regulam desisteres; diluisti obiectas difficultates, vt metus præsumptionem tolleres; improbasti allegantium causas, vt ad tantæ, quæ subsequuta est gloriæ summam, remotis impedimentis iter complanares. Infernorum credo auctoramentis, illa cudebantur consilia, quæ Christianorum conjunctionem armorum aut impediabant, aut contemnebant, vt Orientis armis, subuersis Templis, ac Aris, eliminatis Catholicæ Religionis ritibus, principes tenebrarum de Luce Fidei triumpharent. Quis negabit in Te, qui ad Serenissimi Regis obsequia præsto, Regium semper latus stipabas, & ita muniebas, vt non nisi per tuum latus Regia peti posset Maiestas, Regium quoq; in Te habitasse animum, qui in Te Regia apud alios Vota, ac desideria promoueret. Collegisti Hæresis Victor manubias, ac triumphasti, cum nondum amplexus Fidem, ea pro Fide Catholica gessisti strenuè, quæ Catholicissimum, ac Zelosissimum Fidei Catholicæ assertorem decerent. Ex hac gloriosissima Tui ipsius Victoria, quæ contemptis, ac eiuratis dogmatibus, & erroribus Hæresim triumphasti, secretum circa Te in Diuinitatis arcano consilium æstimare. Illas Heroicas Virtutes Fortitudinem, in Pauperes, ac Religiosos profusam beneficentiam, Charitatem quæ omnibus affabilis, omnibus amabilis, inferioris quoq; conditionis homines

complexus, dilectione proximi, ad Dilectionem DEI Te disponebas, subsequens gratiæ fecundam sementem fuisse, quæ Te ad Fidei lumen initiabat. Meruisti, aut potius ad Theologicæ disciplinæ crism, amussimq; dicam: congruum fuit, vt Te singulari dono in Filios Lucis per Fidem Diuina adoptaret Clementia, qui Fidei operibus arduis, & Virtutibus Heroicis vocationem ad Fidem antevertisti. Sic Tui, Hæresisq; Victoriâ, Victoriâ contra hostes Fidei coronasti. Quis Tibi augustior decerni triumphus potuit, quam inter Victorem purpurati, Martyrosq; coronati populi exercitum, cuius numerum, cum tot Heroib⁹, qui superno dignas imperio proprio sanguine trabeas tinxerunt impleuisti. Si enim Martyrē non sola mors, sed mortis causa facit; non improbanda præsumptione, audenter pronuntiabo, Te Heros inuictissime inuidenda, (si tamen hæc passio in animos immortales Tibi triumphos gratulantes cadere potest) felicitate, in Coelis laureatum inter Victores Exercitus triumphare, qui pro DEO, Fide, Ecclesia, totiusq; Christianitatis bono, Victima proprio consecrata sanguine occubuisti. Nuntiatum fuit Xenophonti Philosopho ad Aram sacrificanti, maiorem natu filium in acie cecidisse, coronam tantum deposuit; cumq; percontanti quomodo occubisset relatum esset, fortissimè pugnantem cecidisse, depositam capiti Coronam reposuit, Numina testatus se maiorem ex Filij virtute lætitiâ, quàm ex morte mœrorem accepisse. Incedit Honorum, ac Victoriarum insulis coronata Illustrissima Donhoffia Domus, neq; ad luctum composita, coronas ad nuntium Mortis Illustrissimi VLADISLAI Donhoff Palatini Pomeraniæ, deponit, quæ illum Victorijs coronatum gratulatur. Hinc Illustrissima Domus Victori, cum ereptis Orientis exercitui manubijs procedenti, aperit

CAPITOLIVM.

Assurge gloriosissimæ incumbens Victorix,

Victor Inuicte

VLADISLAE DONHOFF

Palatine Pomeraniæ!

Et huius capacitatem Atrij

Amplitudine Trophæorum imple,

Quæ Capius, Sanguinisq; pretio comparasti.

Cogna-

Cognatum Tibi est Illustrissimæ Domui Tuæ
Capitolium,

Quod Maiorum Tuorum Virtutibus impletum,
Tuorum viuis meritorum adjectu cumulasti.

*Nec vanè affictam Illustrissimæ Domui appellationem puta.
Si Capitolium ab inuento humano capite, dum templi fundamenta
ponerentur sortitur nomen;*

Cognominem illi Illustrissimam Domum fatebitur,
Qui in Gentilis APRI CAPITÆ, a Rege Hispaniæ,
Aragonæ, Portugalliæ, & Castiliæ

In Insigne, ac foliorum ornamentum assumpto
Illustrissimam Donhoffiam Domum

Fundatam cognoscit.

Sacrum Pantheon est,

*In quo plures Virtutum ac Heroicorum facinorum Idææ,
Quam facinorosorum Numinum in Romano Capitolio Idola.*

Hic Tibi perennem fama decreuit honorem,

Vbi ad inuidiam Capitolini templi, Imaginibus, ac operibus magni-
ficis exornati,

Inuictæ Fortitudinis, & Victoriæ opera, trophæa, & exempla non
ficta, aut picta, sed facta collocasti.

Institutos solennes Ludos, obseruatum Iouis Capitolium, decretos

Superant Tuæ in Martis, an Mortis Ludo Victoriæ,

*Quâ insolentibus ac insultantibus illudens hostibus,
Ad æternam Tuam Tuæq; Domui gloriam prolusisti.*

Vix vnquam Mors, & Mars, sine luctibus,

Hic cum triumpho,

Qui Victrici, triumphaliq; Pæane resonans,

In Illustrissima Domo

Nec conducit Præficas, nec admittit.

Securus gloriæ

Immortalitatem intuto collocans

Non habet periculum quod fortuna reuoluat in Caput,

Quod hostis abstulit.

Qui coaceruans Capita, acephalum sine consilijs credidit exercitum;

Verum tanti Herois relictæ Victoriarum exempla,

Vincendi superauere consilia.

Ergo

In hoc Capitolio non Ioui, aut Marti, Bellonæq;

Sed Exercituum Domino sacra perfolue,

Viues hic in gloria,

Quem Medæa melior, veriùs quàm Æsones, thaumaturga virtute,

Mortuum, vt æternum viuat

Suscitabit Historia.

Virtus augusta Gloriæ Mater, quæ Illustrissimam Donhoffiam Domum, vtpote amplissimum Capitolium, trophæis impleuit, tam pulchram sobolem æternum victuram in Illustrissimis Nepotibus per ætatum lapsus transmittit. Neq; enim vllum tam proiectæ in ignauiam mentis, partæ tantummodo à Maioribus famæ incumbentem successorem habet, quem non

Fax mentis honesta

Gloria

non tantum ad conseruandam, verum illustrioribus virtutum facinoribus augendam recte factorum æstimationem non vrgeat. Amplissimum illi Hispaniæ, Aragoniæ, Portugalliæ, Castiliæq; Regna concessere campum, quæ ad Franconiæ, quoq; occupandas Ducales Mitras sese exonerans, per summa in Liponia dignitatum subfelliâ, bellicæque fortitudinis merita, ad Serenissimi Poloniæ Regis SIGISMVNDI AVGVSTI fauores, ac intimos amores ascendit. Suspiciebat, Donhoffiana merita æquis Priuilegijs Legibusq; cum Lithuania sibi contermina, munita Liuania, in sui per illorum studia, Zelumq; ad Christianæ Fidei lucem, è tenebris paganismi reducta, quam licet infensis armis premerent, arctarentq; Suecorum exercitus, virtuti Donhoffiæ, gloriæq; metas definire non potuerunt, quæ amplitudine sua Regna, & Prouincias impleuit. Excepit illam varijs Virtutum trophæis illustrem in gremium Polonia, venerataq; in Donhoffijs constantiam, quâ, etiam relictis in Liuania amplissimis possessionibus, fortunisq; iniquis vsurpatoribus Prouinciæ adhærere prohibebantur, liberalissimis Diplomatis ornauit, vt cum solis in Polonia, Lithuania, Prussiaq; Indigenis ad capeflendos dignitatum, Honorumq; Fasces est facultas, DONHOFFIÆ Virtutis merito id concessum à Republica, ac Serenissimis Poloniæ Regibus, vt quâ latè suis Polonia, Lithuania, Prussiaq; finibus protéditur, Donhoffiæ Virtuti capeflendis, per indultas Libertates, Priuilegia, ac Prærogatiuas, Dignitatibus, ac Honoribus theatrum pateret. Æquis virtutum passibus in persequenda Heroicis Virtutibus gloria, Maiores consecantur Illustrissimi Successores, quotquot à Serenissimo Poloniæ Rege SIGISMVNDI III. ad nunc felicissimè regnantem Orthodoxum, Turcarum Victorem, Terrorem Orientis Serenissimum Poloniæ Regem IOANNEM III. descendunt. Cumulârunt huius Gloriæ ornamenta, cum Illustrissimis, & principibus in Prussia, Lithuania, Poloniaq; Familijs, cognationes, per Matrimonia-

monialia fœdera contractæ in Illustrissimo STANISLAO Donhoff Vielunensi & Radomscienſi Præfecto, qui cum Illuſtriſſima ANNA Duciffa Radiuilia, ALEXANDRI Ducis Radiuiliij Mareſchalci M. D. L. Filia, ad Donhoffiæ Domûs ſplendorem Ducales Mitras, Regales, Aquilas, æternæq; gloriæ per orbem decantandæ Tubas induxit. Adauxit Illuſtriſſimæ Domûs Decora Illuſtriſſimus ERNEſTVS Donhoff Caſtellanus Vilnenſis Exercitûs Germanici in Polonia Generalis, in Illuſtriſſima Conſorte ZOFIA, ex Illuſtriſſima Duciffa Czartoryska genita, vltima Oleſniciorum Familiæ Herede, Eminentiſſimi ZBIGNIEI Oleſnicki S. R. E. Cardinalis, Cœnobij Noſtri in Pinczow Fundatoris Nepte, cum qua æternam ſpirantes gloriæ famam, Gentiles ROſAS, Ducalis inuexit EQVEſ. Adjecit ad pleniorẽ Domus Donhoffiæ Gloriam Honorum acceſſiones Illuſtriſſimus, ac Reuerendiſſimus ALEXANDER Donhoff Abbas Andreouienſis, in quo regiam Donhoffiorum Sereniſſimus Poloniæ Rex SIGIſMVNDVS III. veneratus indolem, & ſanguinem, leuando è ſacro Baptiſmatis latice, Regias, quibus Polonum Orbem ſuſtentabat, ſubiecit manus, tanquam ad conſummandæ Donhoffianæ gloriæ augem id vnum deſiderari videretur, vt Regum, Principumq; Sanguis, qui in ſolijs ſub Regum Coronis, Principumq; Ducalibus Mitris natus, adoleuerat, in Heredibus dignus fuerit in Regum gremijs, manibus, & amoribus reclinari. Intendit gloriã Honoribus aut contemptis, aut aſſumptis. Oblatam ab INNOCENTIO P. M. *Clerocatus Camera* dignitatem; decretas Episcopatus Kamnecenſis, & Luceorienſis Infulas, & Regni Secretariatum, heroica reſuſcitauit humilitate. Legatione à Sereniſſimo Rege CASIMIRO, ad FERDINANDVM III. Romanorum Imperatorem deſunctus, ſummam apud exteros prudentiæ laudem promeritus, Foundationibus varijs, ac in Religioſos, egenosq; profuſâ liberalitate, æternam, nec temporum, inuidiæq; iniurijs obnoxiam ſolers immortalitatis Candidatus, gloriã aucupabat. Itã non tantum in ſecularis dignitatis, Senatu, ſed in Eccleſiaſtica eminentiæ ſubſellio, ad promouendam gloriã Illuſtriſſimæ Donhoffiæ Domûs ſtudia adlaborant. Explicati hanc ob orbis Poloni oculos emeritiæ Virtutis gloriã, Illuſtriſſime ac Reuerendiſſime GEORGI ALBRACHTE Donhoff, Abbas Vitouienſis, Canonice Cracouienſis, Præpoſite Petricouienſis, in vtrâq; Republica; ad cuius emolumenta, ac ornamenta vt Terectè formaret eruditio, poſt nauatam

disciplinis mitioribus in Collegio Rauensi Soc. IESV. operam, in Vrbe mundi Principe Roma consumato Cursus Theologici summa cum laude studio, ac limatissimi ingenij cui nihil in arcanis Theologia arduum fuit, nihil imperium dotibus ostendisti, Illustrissimam Donhoffiam Domum, & ex Martis, & Scientiarum, campo lectorum trophæorum, capacem ac laurearum. Publico Ecclesiæ Patriæq; bono fatis melioribus decretum Te Illustrium Virorum ad Sacerdotij dignitatem initiarunt obsequia. Amavit in Te animum Ecclesiæ deditissimum Illustrissimus ac Reuerendissimus FLORIANVS CASIMIRVS Dux in Kiewan Czartoryski, tunc Episcopus Vladislauensis, post Regni Primas, Primusq; Princeps, & Minoribus initiavit Ordinibus; gratulabatur Ecclesiæ profuturam Tuam indolem Illustrissimus ac Reuerendissimus ANDREAS Olzowski Episcopus Culmenensis, post Regni Primas primusq; Princeps, qui Te Subdiaconos inter adoptauit; Suspiciebat maturam, curarumq; pro Ecclesiæ bono, grauium capacem industriam, Illustrissimus ac Reuerendissimus CHRISTOPHORVS Zegocki Episcopus Chelmensis, qui Diaconatum contulit; Coluit in Te Virtutes absolutas, quas Ecclesiasticum statum ornaturas exemplis illustrioribus, præuidit, Illustrissimus, ac Reuerendissimus STEPHANVS Wierzbowski Episcopus Poseniensis, qui Te ad Sacerdotium Regale Sacroperunxit ceromate. Illustrasti Serenissimi Poloniæ Regis MICHAELIS I. eximij virtutibus Aulam, ubi temperatissimis moribus, modestiæ, ac affabilitatis gratiâ, ad Tui obseruantiam coëgisti; utq; formandis, & informandis virtutibus Clerus Poseniensis haberet, Te veluti Regulam, normamq; vitæ Ecclesiasticæ, in sublimiori collocauit subsellio Wierzbouius, Canonicum Poseniensem, mox & Custodem illius Cathedræ creando. Prælatum Te non putabas, nisi magnis passibus, & exemplis, virtutum, omnibus anteires, & in iuuentute, senile cor gerens, & animum, ea proponeres Ecclesiasticæ perfectionis insignia, quæ & veteranos in dignitatis, & virtutis fastigio sublimatos, ad imitationem prouocarent. Quid inde mirum, quod Te Illustrissimus ac Reuerendissimus ANDREAS Olzowski, à Serenissimo Orthodoxo Poloniæ Rege IOANNES III. Archiepiscopalibus Infulis admotus, Aulæ suæ, laterisq; socium, dulcissimum conuersationis solatium, & exemplum expetebat? Adhæstisti lateri Pontificis, qui modestiam ac Temperantiam, quam in Te coluit, non erubuit imitari. Laudauit coram Serenissimis Maiestatibus, Virisq;

risq; Principibus maturam prudentiam, ac iudicium ad gra-
uiora discernenda, decernendaq; negotia sublimē; com-
mendauit rerum experientiam, Legumq; scientiam, summā
continuaq; librorum, lurium Ecclesiasticorum, ac Historia-
rum lectione, ac euolutione comparatam, admirabatur in-
gentes animos, ad audenda quæque, aggrediendaq; pro Ec-
clesia Patriaq; ardua momenta. Probauit in frequentioribus
Concionibus non nudam, verborumq; phaleris tantum spe-
ciosam, sed honoris Diuini, proximorumq; salutis, anima-
tam Zelo facundiam; tantas dotes, Virtutesque, vt in Te
coronarent Serenissimi Regis IOANNIS III. affectus,
Abbatiae Vitouiensis insulam contulerunt. Expetebant
Principalis in Polonia Cathedrae Cracouiensis Vota, Tuam
ad Cracouiensem Canonicatum institutionem; quapro-
pter Ecclesiae, communisq; boni prouidus Illustrissimus ac
Reuerendissimus ANDREAS Trzebicki Episcopus Cra-
couiensis, Dux Seueriae, Te in Collegium Canonicoꝝ Cat-
hedralis Cracouiensis Ecclesiae cooptauit, vt illis ad imita-
tionem Virtutum exemplis Princeps non priuaretur Cathe-
dra, quibus inferiora aliarum dignitatum subsellia decora-
sti. Rependisti Illustrissimo Principi honoris collati gra-
tiam, cum e suggestu amplissimas illius Pontificales Virtu-
tes, & magna erga Ecclesiam, Patriamq; merita, pari tanti
Principis honoribus, eloquentiae apparatu, sacratior Polo-
niae Demosthenes, in Funebralis pompae frequentia dilau-
dasti. Gallicum credebant e cineribus expergefatum
Herculem, cum veluti torquibus vincti, toto vultu, ac ani-
mo a Te pendebant. Iterum, atq; iterum, tum ex Posna-
nensi, tum ex Cracouiensi Capitulo, ad Regni Tribunal
Deputatus Iudex, qua laude, qua aequitatis lance, grauiora
causarum momenta ponderabas, ipsa negotiorum eò de-
uolutorum, mille, & mille difficultatibus intricata moles,
Tuo expedita iudicio testatur. Audendis, agendisq; re-
bus arduis cum perspectam habuisset magnanimitatem Tuā
Serenissimus Poloniae Rex Orthodoxus IOANNES III.
ad promouenda Reipublicae, Patriaeq; negotia, ad terrestria
Siradiae Comitata bis Ablegatum misit. Ad Generalem
Prussiae Conuentum Margieburgum, expeditus, eā dexte-
ritate, maturitate, prudentia, Serenissimi Regis, Patriaeq;
voto, res ad fortunatos exitus deduxisti, quam rei, Regniq;
necessitas exigebat. Discet, noscetque posteritas, illam
Donhoffiae Domus gloriam, ad quam Te Virtutum Tuarum
Comitia suffragijs promouent, in altioribus Honorum,
ac Dignitatum subsellijs collocandum. Huc ad vberio-

rem gloriæ adorem protendit labores & studia sua Illustrissimus, ac Reuerendissimus IOANNES CASIMIRVS Donhoff, *Mogilensis* Abbas, in quo honorata Donhoffiana elucet prudentia, quod illum ad Sanctissimum D. N. INNOCENTIVM XI. Legatum miserit Serenissimus Poloniae Orthodoxus Rex IOANNES III. vt suo nomine cælis ad Viennam, summâ Victoria Turcarum Castris, ereptum, in testimonium, quod pro DEO pugnaret, & Ecclesiæ, triumphale Vexillum præsentaret.

Et ex Ossolinia Illustrissima Domo Donhoffianæ Gloriæ Templum exornant ASCIÆ, per Illustrissimum SIGISMVNDVM Donhoff Bydgostensem Sokalensem, Boleslauensem, Boguslauensem, Laiscensem Capitaneum, inductæ, dum sibi Illustrissimam TERESSIAM ANNAM Comitissam in Tenczyn Ossoliniam, Magni illius GEORGIJ Comititis in Tenczyn Ossolinij, quem, à Serenissimo Poloniae Rege VLADISLAVO, Ablegatum, vt Vassenbergius in Floro Germanico testatur: *Anglia suspexit, Roma admirata est Venetia laudauerunt, Germania venerabatur*, Filiam sacro Matrimoniali foedere copulauit. Huc coeunt Illustrissimi Genitoris illius ornamenta, & Gloriæ decora quæ viuunt, viuentq; in feræ posteritatis memoria. Fulget Ebena argente Altaris moles in Mariana Clari Montis Czesztochouensis Basilica, quam Ossolinia struxit, poliuitq; ASCIA. Pietatis, & Eruditionis Palæstra, Collegium Soc. IESV Bydgoscij erectum hæc Magni Cancellarij Regni ædificauit Arma, his & Regia Klimontouensis Basilica suam debet originem. Magna hæc Armamenta gloriæ secum in Donhoffiam intulit Domum Illustrissima TERESSIA ANNA Comitissa in Tenczyn Ossolinia, ad cuius quoq; sublimiora pertinet ornamenta Mater Illustrissima ISABELLA Danicouicia, Illustrissimæ, ac felicissimæ illius Lacanarum Matrum, TERESSIÆ Danicouiciæ, Serenissimi Poloniae Regis Orthodoxi IOANNIS III. Matris, Patruelis augusta Soror. Traxit ad Illustrissimæ ornamenta prosapiæ aliarum Familiarum claritudinem, Illustrissimi GASPARIJ Donhoff Palatini Siradiensis, ex Illustrissima ALEXANDRA Koniecpolska progenita, Tua Illustrissime SIGISMVNDE Donhoff Bydgostensis, Sokalensis, Boleslauenensis, Boguslauenensis, Laiscensis Capitaneæ Germana Soror ANNA, Illustrissimo BOHVSLAVO Lesczynski Thesaurario primū, Vicecancellario deinde Regni in Matrimonium elocata, secunda Illustrissimorum Virorum BOGVSLAVI Lesczyn-

Lesczynski Abbatis in Czerwiensko, R A P H A E L I S
Lesczynski Regni Vexilliferi, & Magnarum Virtutum Heroi-
nae A L E X A N D R Æ Grzymuſtouiæ, moderni Palati-
ni Poſnaniensis Conſortis, jam viſâ functæ Mater, fecitque
tam ſplendidis iuncta, Magnisq; Familijs, vt fruſtra quiſ-
quam ultra de Donhoffiorum quærat Maioribus, qui ſe per
cognationes Illuſtriſſimis inſinuando Domibus, Maximis
æquauerunt. Viuit ſuperſtes Tuæ generosæ mentis ſpiri-
tu Illuſtriſſima proles Tua, Illuſtriſſimus F R A N C I-
S C V S B O G V S L A V S Donhoff Enſifer Lancienſis,
qui in Aula Sereniſſimi Regis Poloniæ C A S I M I R I Re-
gijs moribus eſt innutritus, & amoribus, quos vt obſequijs
Sereniſſimo Regi rependeret, poſt Abdicacionem Regni
Comes illius in Gallias, Pariſijs uſq; ad Principis mortem il-
libatæ fidelitatis, & gratitudinis dans exemplum, perdura-
uit. Atq; vt redux in Nepotibus in ſeram poſteritatem
Donhoffiam propaginem transfunderet, H E D V I G E M
Lipska, Capitanei Raueniſis, genitam ex Lanckoronia Fili-
am, primo Voto duxit; quâ Virtutibus vitaq; functâ, ad
ſecundas aſſumpſit Nuptias E V P H R O S I N A M Mie-
cielska, Capitanei Koleniſis Filiam, vnius, Magnarum ex-
pectationum, heredis, Filij Nicolai Parens, vel in Filio Ger-
mani Fratris immaturo decedentis fato S T A N I S L A I
C A S I M I R I, Illuſtriſſimæ Domui facta diſpendia com-
penſaturus, Seruiuit ampliandæ Donhoffianæ Gloriæ Illu-
ſtriſſimus T H E O D O R V S Donhoff Regni Succamera-
rius, cuius manibus non ita pridem Illuſtriſſima Domus pa-
rentauit. Nec tamen totus deceſſiſſe creditur, qui in Filijs
tam I O A N N E C A S I M I R O Donhoff Abbate Mogi-
lenſi, tum in F R A N C I S C O Donhoff Capitaneo Viſli-
cenſi perennat. Non otioſum ſe ille Maiorum gloriæ poſ-
ſeſſorem oſtendit; ad cuius augmenta, cum Sereniſſimo
Poloniæ Rege I O A N N E III. in Caſtris ad Viennam con-
tra effuſam Orientis colluuiem ſtrenuè decertauit. Acceſſe-
runt per ſœdera Connubialia, ampliora Donhoffiæ Domûs
Ornamenta, cum eiſdem Capitanei Viſliceniſis Sorores,
vna Illuſtriſſimo Lubomiſcio Regni Mareſchalco; altera
Illuſtriſſimo Kaſki Caſtellano Leopolienſi, in Matrимо-
nium ſunt elocatæ. Nec Tuam in hac Domo Illuſtriſſima
obliterabit memoriam edax tempus, aut obliuio Illuſtriſſi-
mæ C H R I S T O P H O R E Donhoff Caſtellane Vite-
pſcenſis, qui rectè factorum gloriam ad iſcis; nec Tua rui-
nam ſepulchralem laus paſſa eſt. Illuſtriſſime I O A N N E S
Donhoff Capitaneæ Starogardens, qui vt poſt fata ſuper-

stes viueres, vitam meliorem in virtutum meritis quasiu-
sti. Latere non possunt Polonum Orbem, vicinasq; provin-
cias, quæ in gremio Clari Montis explicantur Donhoffiæ
gloriæ Decora, in amplissimo regijs sumptibus erecto ex
Marmore sacello, quod Magnificientia sua toti Claromon-
tanæ Basilicæ maiestatem auget. Hic Donhoffiæ Libe-
ralitatis, & animi erga Sacra, propensissimi pa-
ter amphitheatrum, in quo ad DEI, Diuorumq; cultum
ampliandum, ad animarum in pœnalibus claustris detenta-
rum suffragia, ad ornatum solennem Basilicæ Marianæ, au-
ro argentoq; intertexta, quæ sæpius attonitos, aliarum na-
tionum Principes, Donhoffianam in sacrorum cultum pro-
fusam liberalitatem admirantes, tenebant, aula, magnani-
mitatem ac Religionem testantur. Ex eiusdem animi,
loco Sacro deditissimi, liberalitate, fulminatricibus æneis
machinis, seu tormentis, aucta Mariana Clari Montis Ar-
mamentaria, palam ostendunt Donhoffiam Domum Illu-
strissimam tum ad Ornamentum, tum ad munimentum
Claromontanæ Marianæ Arcis adlaborasse.

Reuocas ad Tui memoriam, honoremq; vesticalem
pennam Illustrissime VLADISLAE Donhoff Palatine
Pomeraniæ. Signasti sanguine arduis pactam certaminibus
gloriam, quam antehac ex Maioribus acceptam Virtutibus
cumulasti. An non illustres ex familiarum cognationibus
explicat memorias, gloriamq; reuelat Illustrissimus Geni-
tor Tuus GERHARDVS Donhoff Palatinus Pomer-
aniæ? Inuexit Illustrissimæ Donhoffianæ Domui OPAL-
ENIAM plenam dignitatum fascibus, Honorum Infulis,
meritorum prouentibus ONERARIAM cum Illustris-
sima Opalenia consorte, Illustrissimorum, Palatini Bresten-
sis, Episcopi Culmensis, & Palatini Lancienensis, Patris ger-
manam Sororem, ex qua Filias, CONSTANTIAM
Illustrissimo Palatino Culmensi, post Illustrissimo IGNA-
TIO Bakowski Palatino Marieburgensi nuptam, & CÆ-
CILIAM, Illustrissimo Comiti VAIER, Palatino Marge-
burgensi elocatam, suscepit. Et Ducales Ducum Bregen-
sium Mitræ ad ornamenta cumulantur, in SIBILLA, Fi-
lia GEORGII FRIDERICI Ducis Bregenensis, cuius
Mater, Illustrissimi IOACHIMI Ducis Brandeburgensis
in Prussia, Filia, recensetur. Ad summas olim in Polonia
Regno potestates suam referunt Duces Bregenses originem,
qui linea rectâ à PIASTO Primo Poloniae Principe, ex quo
tot Serenissimi Reges Poloniae, usq; ad CASIMIRVM
numerantur, descendunt suum gloriæ, honorisq; transfert
patrimo-

patrimonium & illa Inclytissima, ac Sanctissima Piaſtis,
Biegeſis, & Legnicenſis Ducissa HEDVIGIS Prin-
ceps Poloniae. Ab his Sanctorum, Regum Principumque
cunabulis Diuinum Numen, Fortunaq; dederunt Matrem
Illuſtriſſimo VLADISLAO Donhoff Palatino Pomeraniae,
qui per Duces Principesq; ad ſe deuolutam gloriae
hereditatem, ſuae Virtutis prouentibus cumulauit. Quae
ab Illuſtriſſimis Parentibus accepit decora, auxit ſplendi-
diſſimis Matrimonij foederibus, in vitae Conſortium af-
ſumpta CONSTANTIA Szuſzczanka. Illuſtriſſimi BO-
GVSLAI Szuſzka Theſaurarij M. D. L. Filia, Illuſtriſſimi
IOSEPHI Szuſzka Mareſchalci Curiae M. D. L. & Illuſtriſ-
ſimi DOMINICI Szuſzka Capitanei Rzeczyceſis So-
rore, cuius Illuſtriſſima Parens ANNA Potocka, primum
Kazanouio in Matrimonium elocata, Illuſtriſſimi STA-
NISLAI in labonow labonowski Terrarum Ruſſiae Pa-
latini, Generalis Exercituum Regni Ducis, Illuſtriſſimam
Conſortem MARIAM ANNAM genuit; poſt ad ſe-
cundas ab Illuſtriſſimo Theſaurario M. D. L. Nuptias expe-
rita, parem Illuſtriſſimae Donhoffiae Domui Heroinam edi-
dit, generis claritudinem, quam a MARIA Mohilanka
Valachiae Ducissa, Illuſtriſſimis Ducibus Viſniowiecijs, ac
Radiulijſ per ſanguinis colligationem foederata deriuat, in
Filiam, vt Honoris vberriſſimum patrimonium tranſferendo.
Reſſectit ad illam ſplendorem proſapiae & Illuſtriſſimus Pa-
latinus Kijouiae Stanislawſcius, qui Illuſtriſſimam Heroinam
ANNAM Potocka tertio voto ſibi copulans, ornamenta
in plenam Honoribus Domm inferens, maiorem Virtutis,
& Gloriae cognatis ſibi Familijs aſtimationem comparauit.
Tot inter Illuſtriſſimarum Familiarum, quae Te circum-
ſtant, ornamenta, illuſtrior ac ornatior effulges, in pleno
gloriae meridie, quem Tibi peperit Oriens Illuſtriſſime
VLADISLAE Donhoff Palatine Pomeraniae. Non eges
fumosis Maiorum Imaginibus, ad oſtentionem Gloriae,
quae cum ad mundi lucet oculum, facile umbras patitur, &
tenebris mortalitatis inuoluta interit. At Te Heros Illu-
ſtriſſime, ac Inuictiſſime, VLADISLAE Donhoff Pala-
tine Pomeraniae, cum Immortalitatis, beatae gremium exci-
pit, & Solium, fruere aeternis Fortitudinis Tuae muneribus,
& virtutum fructibus; non Te ſepulchralis ruina, lapisque
premit, quem generis celſitudo, ad aeternae felicitatis faſti-
gium, nulli obnoxium inclementi fato, ſublimauit. Viue
vitam, quae nihil debet tempori, quam vitae ſanguiniſque
diſpendio comparati. Cum ergo linguis & animis, in

his parentalibus obsequijs, vniuersi Tibi æternum **VIVAT**
imprecantur, mandamus, & Famæ æternum victura per
orbem ferenda; Illustrissimæ Donhoffiæ Domui debita;
deditaque.

SYNTHEMATA.

Audi, & Aude Fama, Soror Victoriæ,
Donhoffiæ Ancilla Gloriæ
Obsequium exhibe, & Officium.

Triumphales Coronas assume, non lugubres virtas,
Nam hic actus ferales non admittit Cupressos,
Qui palma stipatur, & Laureis.

Vt posteritatis implendo Liuori Solentium indicas,
Buccinas emeritæ Victoriæ laudibus, & tubas imple
Ne discrepes,

Ad Virtutum, Morum, & Honorum, harmoniam attende
Illustrissimi & Excellentissimi Domini

D. VLADISLAI DONHOFF

Palatini Pomeraniæ,

Inclutissimi Herois, & Inuictissimi

Cui Vieneses Cannæ cum dedissent Victoriā,

Strigonienses Victoriæ præmium æternos concessere triumphos

Hic cecidit robustissimus Anteus,

Sed à lapsu terræq; attactu fortior

Melioris sui parte adeo assurrexit sublimis, vt ad cælum pertigerit.

Ignauo plebis ingenio suus sufficit angulus:

Cum Heroicæ Virtuti vix orbis, cælum petit.

Alas tibi addit & talaria Virtus,

Cuius ferendo per orbem gloriam

Triumphalibus Victoriæ animata plausibus,

Prohibe Lessum, & Næcias.

Themata babes Laudum, & Synthemata

Eadem Illustrissimo Heroi

Quæ in Martis campo, & in Mortis acie fuerunt.

In Syllæ, Brutiq; castris militares fuerunt tesserae, **APOLLO;**

In Cyri **IUPITER BELLI SOCIVS & DVX,**

Quasi Apollini Iouiq; pugnascent,

Hic Illustrissimæ Domui cognatum synthema sonat

PRODEO!

In Caesaris exercitu VENVS GENITRIX inuocabatur auxili-
um datura in acie, & consilium, quæ Aeneæ suo arma ministravit,
hîc melior Mater Christianorum asseritur, & assumitur.

PRO FIDE!

Neroni inter armatorum cateruas, & pugnantium, OPTIMA
MATER memorabatur,

Vt quæ in vitam fudit, aut Dea vitam seruauit,

Sospitatem præstaret & in acie,

Hîc Christianorum Optima Mater, pro qua sumebantur arma
in tesseram assumpta sonabat:

PRO ECCLESIA!

Pompeius Magnus HERCVLEM INVICTVM Adstitem,
& Adiutorem,

Cuius honoris causâ cum assumpsisset Nomen,
& Virtutem in Martio campo optabat,

Hîc

Pro Sarmatiæ Hercule, bono totius Orbis Christiani nato,
Serenissimo Poloniæ Orthodoxo Rege IOANNE III:

Honoris, & Securitatis causâ stipando, ac tuendo
Donhoffiæ cohortis, contra Turcarum castra pugnantis,
personabat Tessera:

PRO PRINCIPLE!

Pompeij Iuuenis Militaribus copijs in tesseram data PIETAS,
Virtutem, Religionem, & Pietatem à castris excludi non
debere docuit;

Hîc

Religini auctorata cum Illustrissimo Duce, proprijs impendijs edu-
cta, & Religioni consecrata phalanx,

Et inter horrida arma Pietatem, Virtutemq; colens
Religioni propugnandæ votum adiicit:

PRO RELIGIONE!

Inter Antonij arma domorum Præses inuocabatur LAR DEVS,
Qui Domos patrias seruaret ab hostibus,
Et pro Domibus pugnantes adiuuaret;

Hîc

Amantissimus Patriæ Cuius veluti si Patrias propugnaret res,
& Honores animat bellatores synthemate.

PRO PATRIA!

Demetrius Poliorcetes IOVEM, & VICTORIAM
Pro Tessera castris dedit.

Quasi pro Iouis honore exoptaret Victoriā, & inuocaret;
Hic

Intaminata Fides, & Religio culta
Cum Tempia, & Aras habeat,
Ad illarum defensionem animat:

P R O A R I S !

Pertinax, ne torpore ignauiae, caderet animo, & corpore exercitus,
Animam, & Spiritum pugnaturis ingerebat: **MILITEMVS;**
Hic

Pro alienis excubando fortunis, & focus,
Et suis infestos profligando fortunis hostes,
Incitamenta militandi ministrantur

P R O F O C I S !

Seuerus Septimius, insinuata hâc tessera **LABOREMVS;**
A sterili, quo tempus, & animi, corporisq; vigor absumitur,
deterrebat otio;

Hic,

Cum Soror est Laboris gloria, vt spinæ rosa,
Ad Bellici Laboris præmium, & Honorem,
Apud Superos victurum, & posteros

Vrgentur :

P R O G L O R I A !

D. Cæsar **FELICITATEM**, quandoq; & **VICTORIAM**,
Dubiam belli aleam, ac statum ancipitem,
Per arcanam tantorum Nominum, & Numinū in castris inuocationem,
Ad felices & victoriosos successus,
inclinabat;

Hic

In acri contra orientis Titanas prælio,
Illam felicitatem, quæ æterna est, spectando,
Cum cætera caduca, & infelicia sint, quæ ad æternitatem
Virtus non exonerat,

Felicissimas Victorias æternitati consecrando,
Hoc animo volebat, volebantq; synthema :

P R O Æ T E R N I T A T E !

Hæc foue, & faue Fama !

Illustrissimus Heros, & felicissimus.

VLADISLAVS DONHOFF

Qui iam Deo, in Deo viuit,
Suos Tibi vt Viuas infudit Spiritus !

Tibi pennam in Tubam dabo,
Quæ in legentium oculis, quàm audientium auribus
Donhoffiam gloriam perennius victuram promouebit.

At Tu Illustrissime

VLADISLAE DONHOFF

Palatine Pomeraniæ,

Qui post inductam Ottomanicæ Lunæ caliginem,
Ex mortis vmbra, in lucem æternam emeristi,
Et in Claromontanæ Claritudinis meridie
Mortalitatis deponens exuias,

Filium Lucis

Te demonstras,

Post horridæ mortis noctem

Æternitatis beatæ felix Diem viue,

Quem Tibi

Serenissimarum Poloniæ Maiestatum amores; Illustrissimorum ac
Reuerendissimorum Principum, Archiepiscoporum, aliorum Ponti-
ficum, Prælatorumq; suffragia; Illustrissimorum Principum, Senato-
rum, Belli Imperatorum, Ducum, & Exercituum fauores; Coniuga-
les Illustrissimæ Consortis ANNÆ Słuszczanka Palatinæ Pomer-
niæ affectus; Illustrissimæ totius DONHOFFIÆ Domûs Here-
dum, ac Illustrissimarum cognationum vinculis colligatarum studia
Familiarum; Omnium Ordinum, Amicorum, ac subditorum Vota;
exoptant. Demum & nos quotquot parentalibus assistimus
honoribus; idem omnes imprecamur,

Ex hoc Monte

Olim Tecum in Vallem Iosaphat
Descensuri.



VERBODEN TOEGANG





Biblioteka Jagiellońska

51010018766

